

寡者歟。伏惟天造萬像，造人以爲貴也。人保一期，守命以爲賢也。其保一期之源，在于養生。其示養生之術，可安五藏，五藏中心藏爲主乎。建立心藏之方，喫茶是妙術也。厥心藏弱，則五藏皆生病。寔印土耆婆往而二千餘年，末世之血脈誰診乎。漢家神農隱而三千餘歲，近代之藥味詎理乎。然則無人于詢病相，徒患徒危也。有悞于請治方，空灸空損也。偷聞今世之醫術，則合藥而損心地，病與藥乖故也。帶灸而天身命，脈與灸戰故也。不如訪大國之風，示近代治方乎。仍立二門，示末世病相，留賜後昆，共利群生矣。于時建保二戊甲戊春正月日謹叙。

〔萬安方〕獻萬安方序

初臣壽品高祖宗什，世居平安家醫，見推博洽，書籍藏過五車，藏中有梶原性全萬安方，傳以尊信，殊加韞匱。○中侍醫臣望三英，有志古方，與臣相善。○中既而臣英遂奉狗監之對，乃得蒙凌雲之譽，前奉敕命，當膽寫進獻，因圖防朽蠹，特賜剪春羅紙五千張，於是與英等共俱校正，周歲而成。凡六十二卷，原闕二本，目次一本，總計五十九冊也。獨以經五百年，蠹簡誤字，衍文錯簡，尙猶不鈔，悉仍舊貫，不改一字，所以存古也。既以進獻焉，謹按性全者，不知何人，相傳云，以醫仕，足利氏鹿苑公。○足利恒懸藥囊，時稱名醫，嘉曆之間，著此書，鹿苑公嘉其志，爲記花押二，今見在此書中，性全博覽強識，自言所見方書，凡貳百有餘部，二千有餘卷，亦皆漢魏唐宋經驗之方，及自所試効，莫不集載，嗚乎古方之損益，以今見之，亡彼存此，而其引用亦獨在此書，則可謂海內無雙古方書也。今也藏之秘府，則使彼性全之業，再垂不朽，臣亦與顯祖先十襲之功，豈不幸哉。○中

延享二年乙丑冬十二月 啓建院法眼

岡本玄治謹上

朱印

〔萬安方 六十二〕右萬安方 六十二卷

花園帝正和，中梶原性全所撰，博採群籍，搜抉秘僻，妙論靈劑，不遑枚舉，所援諸書，今亡佚者數十家，洵